

عباس صياد المعالي و بو فضالها
رجعت لراضي كربلا اخته الكفالها
**

عندي سؤال و ضامري يتلاهب احساس
لمن تعود كربلا الكادوها لرجاس
كالعادة ينهض للوديعة خوفا عباس؟
و إلا تعوگه امنيته و ما ينهض إلهها
*

من تنزل ابوادي الألم ليها يتعنى؟
لمن تنادي بالحزن : خونا الكفالنا
انهض احفك بالجليلة فاطم امننا
تحت الحفيرة بغيرته يجلي رملها؟
*

ياخذ چفوفه و يرفع الراية اليها؟
يم العقيلة ايضل ابقيها عليها؟
يدريها شافت چم مصيبة في مشيها؟
وصل خبرها للگمر لو لا سألها؟
*

يسألها: يا لبوة علي شنهو الذي صار؟
متغيرة يختي و الدمع عالوجنة مدرار
وانظر على اعباتچ اثر لتراب و النار
دمعة بيساره و يمنتنه بالدم يهلها
*

هذي الاماني ترتسم و تخط العتاب
لكنها وصلت و الاخو مدفون بتراب
رادت تشوفه لاهفة و منها الكلب ذاب
ما رادت إنها بالعتب تصدع جبلها
*

ما كَصَّرَ العباس نادت وقي للدين
ضحى بچفوفه و هامته و هم رخّص العين
لكن فؤادي عالگمر ما بطل اونين
هذا الغيور الخفف أثگالي و حملها
*

همست له بطراف الكبر زينب تنخيه
چنه اضطرب تحت الكبر لنها تحس بيه
من حفرته دمعته طمي و ونه اعتلت ليه
مسموح همست ياگمر هاشم بطلها
*

مسموح يا من قدر الباري و تهديني
ادري يبعد اروحياتي و ما خاب ظني
لو هو الامر بيدك يخويه ما عفتني
اركان مالت للشرع ، چفك عدلها
*

بوداعة الله راحلة عنك يكفّال
لرض المدينة بهالحرمة من دون الرجال
ويّا العليل المبتلي امن آثار الاغلال
و باچر تجيك احباب تتمنى وصلها